

GÔ-PA-TÍ-A (31)

1 Gô-pa-tí-a só· tit-tiòh ê bék-sī.

Chú Iâ-hô-hoa lūn-kàu Í-tong kóng: Goán tùi Iâ-hô-hoa hia thiaⁿ-kìⁿ siau-sit, iā ū sù-chiá hōng-chhe khì liát-kok, kóng, Khí--lâi ah, lán tiòh khí-lâi kap i kau-chiàn. ²Khoàⁿ ah, Goá hō· lí tī liát-kok-tiong choè bī-soè, hō· lāng toā-toā khoàⁿ-khin. ³Tiām-tī chiòh-tōng-lâi, khiā-khí koàiⁿ ê só·-chāi-ê ah, lí ê sim ê kiau-ngō· phiàn lí, sim-lâi kóng, Chī-chūi oē kā goá kàng-lòh toē ah? ⁴Lí sui-jiân seng-koàiⁿ chhin-chhiūⁿ eng-chiáu, choh-siū tī chhiⁿ ê tiong-kan, Goá beh tùi-hia kā lí kàng-lòh; che sī Iâ-hô-hoa kóng--ê. ⁵Chhát ná lâi lí hia, á-sī kiōng-tō mī-sī lâi, kiám m̄-sī thau kàu moá-ì nā-tiāⁿ? bán phû-tô--ê nā lâi kàu lí hia bán, kiám bô iáu lâu kúi-liáp-á mah? lí tú-tiòh chián-tū kàu cháiⁿ-iūⁿ ah! ⁶Í-sò cháiⁿ-iūⁿ siū chhiau-chhē ah! i só· khnḡ ê pó-mih cháiⁿ-iūⁿ siū chhâ-chhut ah! ⁷Kap lí kiát-iok-ê lóng toà lí kàu pian-kài; kap lí hô-hó--ê khi-phiàn lí, khah-iāⁿ lí; chiáh lí ê bí-niū--ê siat oáh-tauh tī lí ê ē-bīn; i ê sim lóng bô tì-sek. ⁸Iâ-hô-hoa kóng, Kàu hit-jit Goá kiám bô tùi Í-tong tū-biát tì-hūi ê lāng, tùi Í-sò ê soaⁿ tū-biát chhang-miā ê lāng? ⁹Thē-bān ah, lí ê ióng-sū beh kiaⁿ-hiāⁿ, tì-kàu tiām Í-sò ê soaⁿ, ták-lāng siū thāi-sí chián-tū. ¹⁰In-ūi lí pō-giok lí ê hiaⁿ-tī Ngá-kok, lí beh tú-tiòh toā-toā kiàn-siàu; lí iáh beh éng-oán siū chián-tū. ¹¹Tng lí khiā tī piⁿ--thâu ê jit, goā-

lāng chhiúⁿ i ê chāi-bút, īⁿ-pang-lāng jip i ê siāⁿ-mnḡ, ūi Iâ-lō·-sat-léng liam-khau, hit-jit lí chhin-chhiūⁿ in tiong-kan ê chit-ê. ¹²Tng lí ê hiaⁿ-tī ê jit, chiū-sī i tú-tiòh hoān-lān ê jit, lí m̄ eng-kai khiā-teh khoàⁿ; Iū-tāi lāng siū-biát ê jit, lí m̄ eng-kai ūi-tiòh án-ni lâi hoaⁿ-hí; in tú-tiòh chai-lān ê jit, lí m̄ eng-kai kóng toā-oē. ¹³Goá ê peh-siⁿ tú-tiòh chai-ē ê jit, lí m̄ eng-kai jip i ê mnḡ; in tú-tiòh chai-ē ê jit, lí m̄ eng-kai khoàⁿ in teh siū-khó; in tú-tiòh chai-ē ê jit, lí m̄ eng-kai bong-tiòh in ê chāi-bút. ¹⁴Lí m̄ eng-kai khiā tī siang-chhe lō·, cháh in tiong-kan tô-cháu ê lāng; in tú-tiòh chai-lān ê jit, lí m̄ eng-kai chiong in chhun ê lāng kau-hù tùi-ték. ¹⁵In-ūi Iâ-hô-hoa pān-lí bān-kok ê jit kūn--lah; chiàu lí só· kiāⁿ--ê, iā beh án-ni kiāⁿ tī lí; lí só· choè--ê beh kui tī lí ê thau-khak. ¹⁶In-ūi chhin-chhiūⁿ lín tī Goá ê sèng-soaⁿ bat lim, bān-kok iā beh chhin-chhiūⁿ án-ni tnḡ-tnḡ lim, iáh lim iā thun--lòh-khì, in chiū beh kui tī bô.

¹⁷Tī Sek-an soaⁿ beh ū tô-thoat ê lāng, iáh beh chiāⁿ-choè sèng; Ngá-kok-ke beh tit-tiòh i pún ū ê giáp. ¹⁸Ngá-kok-ke beh chiāⁿ-choè hé, Iok-sek ke beh chiāⁿ-choè hé-iām, Í-sò ê ke beh choè tiū-kó, hé beh sio lâi biát i; Í-sò ê ke beh bô lâu chit-ê; in-ūi Iâ-hô-hoa ū kóng i. ¹⁹Lâm-hng ê lāng beh tit-tiòh Í-sò ê soaⁿ, pīⁿ-iūⁿ ê lāng beh tit-tiòh Hui-lī-sū, iáh beh tit-tiòh Í-hoat-liân ê chhân, kap Sat-má-

lī-a ê chhân; Piān-ngá-bín lāng beh tit-tiōh
Ki-liát. ²⁰Í-sek-liát kun-tūi chiah-ê siū-liáh--
ê beh tit-tiōh siók Ka-lām lāng ê toē, tít-kàu
Sat-lèk-hoat; tiām-tī Se-hoat-láh siū-liáh ê lâ-
lō·sat-léng lāng beh tit-tiōh Lâm-hng ê siâⁿ.
²¹Beh ū chiah-ê chín-kiù--ê chiūⁿ Sek-an soaⁿ,
lâi sím-phoàⁿ Í-sò ê soaⁿ; kok-tō· chiū kui lâ-
hō-hoa.